

सही महीक दोसदारी

TRUE FRIENDSHIP



Kamlesh Dandoliya

Bharia

सही महीक दोसदारी

TRUE FRIENDSHIP

कमलेस डांडोलीया


Bharia



You are free to make commercial use of this work. You may adapt and add to this work. You must keep the copyright and credits for authors, illustrators, etc.



एक गावा में जोगनी अर ठेंगा नामाक रीछ राहत राहरंय। होरनक अच्छी कोयकी दोसदारी राहरी होती। ता ठेंगा खात राहराय बाम्हीक दीवाड़ों अर कोतीक रस, अर जोगनी खात राहरी अचाराक गूठली अर बेहड़ाक बीज्जा। ता होर दोई झने बेझा ऊदूम करत राहरंय। एक दीना अंधीयारी रात जंगला में पडीयार खड़बड़ा नामाक ऊल्लू पांच-छैं अदमीन को आगी सीलगाय के बेठा देखराय। पडीयार खड़बड़ा ऊल्लू को सोचनाक पहलई एक ठूला जोड़ भरी अवाज ईराय।



हकायवारा मे से कन काहरा झून ठेंगाक बवक पांवा में बंदूक चलाय दीहाय। ता होराक बव जोड़ भरीक कीर्रारी ता पूरय जानबर नहून जाग गरंय। ता ठेंगा जंगलय कने धंवइतय गराय।बनो हकायवारा नहून ठेंगाक बव को जाला में फसाय लीहयं,होराक बव बचनाक लाय खूब भीरी बनो हकायवारा होराको ले भागयं।बीचारा ठेंगा हूत्ता आयके देखराय ता होराक बव नी मीलरी ता ठेंगा रोवत-रोवत घरा कने रींग दीहाय। हूत्ते बाटा में जोगनी मीलरी ता ठेंगा जोगनीक को मीलाभेंट करीके रोन लगराय। जोगनी काहरी, “ घबडावस मती, अब होर हकायवारा जादा दूर नी गरंय होहीत।” जोगनी को बी दूख भीराय। एक टेमा जोगनी तन्नक सी राहरी होती हो टेमा जोगनीक बव को हकायवारा नहून मारीके होराक चमड़ा नीचूछी के बेच दीहंय।



ता जोगनी होराक मेहतारी को सूरताय के ठेंगाक बव को ढूंडना लगरी। ता जोगनी एक ठूला बड़ा यकन झाड़ा में चड्ढीके चारय खूट देखरी ता हकाय वारनक डेरा दीखराय। ता जोगनी तूरतय जायके होराक दोसदार कोयल, मूसा अर कोतीक मसकी को या भीरी ते मांदी को सूनाय दीहाय। ता होर होराक संगे जानाक लाय तईयार होय गरंय। ता हकाय करन वारा डेरा से बाहरा आगी सीलगाय के बेठयं होतय। अर ठेंगा बव को भीतरा भांद दीहयं। ता हकायवारा नी जानत जैव बूटी अर मूसा झोपड़ीक भीतरा घूसी गरंय। ता हूत्ता एक घूंदी में ठेंगाक बव जाला भीतरा राहरी, ता मूसा अर बूटी जाला को कतर दीहयं। ता ठेंगाक बव भागनाक लाय होवत राहरी बनो जोगनी नी जान दीहाय। जोगनी होराको होसय लोटी राहनाख लाय काहरी।



ता कोयल दूर जायके झाड़ा पर बेठीके अच्छा सूरा से गीत गाना लगरी। जोगनी चाहवत राहरी की येर हकाय करनवारा आगी से दूर चल देतंय। कायसेकी होरनक मजा बतावत। ता होर हकाय करनवारा आगी से ऊठीके कोयला को पकड़नाक लाय रींग दीहयं।

ता फेर चा होताय?

कोयल कमयके होय गरी होतनय में कोतीक मस्की नहून होर हकाय करनवारन को चाब-चाब के कर दीहयं काम। अर होर हकायवारा सब कछू छोड़ीके टीरका में बेठीके यंव भागय जैव “जान बची गराय ता सबय कछू पाय लीहन।



ता ठेंगा अर होराक बव मीलभेंट करीके बेझा रोरयं। ता ठेंगा होराक बव को बचारन। ता ठेंगाक बव होर पूरनय को धनवाद कहीके बीदा करी। अर रस्ता में होराक बव जोगनी से बेझा पीयार करी। मानता हो काहात राहरी होहीर की होरा ठेंगाक अर जोगनी दोसदारी मोय मानछों।

गीयान: मानता अगर दोसदारी होवर ता यंव।

